

# PROFIL

# KEMUDI

PERTUBUHAN KESEDARAN MELAYU DAN ISLAM

# TOPIK

1. Sijil Pendaftaran	3
2. Visi dan Misi	3
3. AJK Pertubuhan	4
4. AJK Seri Kemudi	4
5. Program & Aktiviti	5
6. Modul ‘10 Tonggak Melayu Bersendi Kitabullah’	11
7. MOU Kemudi & IAIN Sultan Maulana Hasanuddin, Banten	19
8. Cadangan Aktiviti KEMUDI 2018	20
9. Buku-buku karangan Puan Pengerusi	22
10. Sumbangan/Derma untuk KEMUDI	23


# VISI & MISI



- Mengembalikan kemurniaan ajaran Islam** dalam bidang Iman, Islam dan Ihsan, khususnya dalam lingkungan fahaman *Ahlus Sunnah Wal Jamaah*.
- Pemurnian sejarah**, fahaman, prinsip dan gagasan ‘Melayu Islam Beraja’ sepertimana leluhur kita.
- Menjalankan penyelidikan**, perkongsian dan penyebaran ilmu Akar Sejarah Rumpun Melayu Nusantara.
- Bekerjasama dengan mana-mana pihak** untuk mengembalikan kesefahaman serta penghayatan ilmu Akar Sejarah Rumpun Melayu Nusantara, ciri-ciri peradaban dan jatidiri Melayu yang murni luhur.
- Membantu mewujudkan generasi ‘Melayu Mustafawi’**, iaitu yang mempunyai ciri ‘kestabilan dinamik’ yang tetap berpaksikan ilmu, amal serta akhlak yang berpandukan sunnah Rasulullah □ serta warisan adat dan budaya, dengan mengambil kira realiti perubahan tempat, suasana dan zaman.
- Membantu mengembalikan kegemilangan umat Melayu** yang kukuh kesetiaan kepada Institusi Raja-raja Melayu & kepimpinan yang adil, serta bersatu-padu dan taat berkhidmat kepada agama, bangsa dan watan.
- Merapatkan hubungan keislaman** melalui jalinan ilmu, ukhwah dan mahabbah serta melebarluaskan jaringan demi perpaduan dan maslahat ummah.

# AHLI JAWATANKUASA KEMUDI

## CARTA ORGANISASI KEMUDI



BONDA TUN SUZANA



USTAZ IQBAL ZAIN AL JAUHARI

## AJK SERI KEMUDI

[Biro Pemuda-Pemudi Pertubuhan]




- Ustaz Hanif bin Ibrahim [*Ketua*] • Muhammad Uzair bin Ismail [*Naib 1*]
- Nur Fatimah Mohamed Rashidi [*Naib 2*] • Intan Fazira binti Mohd Radzi [*Naib 3*]
- Jumraiddah binti Jamalul [*Ajk 1*] • Masni binti Mohd Hafiz [*Ajk 2*] • Siti Noratikah binti Sapii [*Ajk 3*]
- Norfariha binti Mohd Faridz [*Ajk 4*] • Naailah Syima binti Jamil [*Ajk 5*] • Nur Hafizah binti Malek [*Ajk 6*]
- Muhammad Zaid Ameer bin Zaini [*Ajk 7*] • Muhammad Ainuddin bin Mohd Hata [*Ajk 8*]
- Azwan Shazreen bin Mohd Aznoor [*Ajk 9*] • Farah Hidayah (Acu) [*Ajk 10*]

# PROGRAM & AKTIVITI

## 2013-2017

### 1. JELAJAH MASHUR (2013)

Program ‘JELAJAH MASHUR’, suatu percubaan atau eksperimen yang kami laksanakan pada 17hb March 2013 di Kompleks Taman Seni Islam (Yayasan Restu) di Shah Alam, Selangor. Iaitu cubaan menyatukan kembali elemen-elemen Melayu dengan Islamnya yang sekian lama cuba dipisah dan dicerai-beraikan oleh mereka yang tidak faham atau yang mempunyai agenda tersirat yang mampu memudaratkan bangsa Melayu. Percubaan ini melahirkan suatu hikmah besar, yang mana antara natijahnya lahirlah pertubuhan bertuah KEMUDI.



### 2. BENGKEL SEJARAH ISLAM DI POLITEKNIK IBRAHIM SULTAN, PASIR GUDANG, JOHOR (2014)

Alhamdulillah, pihak KEMUDI telah melaksanakan program sulong ‘Bengkel Sejarah Islam’ di Politeknik Ibrahim Sultan, Pasir Gudang, Johor 5-6hb March 2014. Penceramah-penceramah KEMUDI iaitu Pn Suzana Hj Othman, Ustad Ahmad Shadan al-Hadrami serta Ustad Iqbal Zain al-Jauhari telah membentangkan beberapa tajuk kertas kerja, iaitu:

1. Mengupas Isu ‘Asabiyah dan Perjuangan Melayu: Perspektif Islam
2. Jalan Mengenal Melayu
3. Intipati Ilmu Melayu
4. Ahlul-Bait Rasulullah ﷺ dalam Institusi Umara@Raja-raja Melayu
5. Tradisi Fahaman Akidah Ahlus Sunnah Wal Jamaah Dalam Sejarah Nusantara
6. Melayu & Kestabilan Dinamik



### 3. KEMUDI MEMBINA JARINGAN 2014-2015




### 4. KULIYAH BULANAN KEMUDI (2014-2015)

Program Kuliyah Bulanan Kemudi bertujuan untuk berkongsi ilmu-ilmu yang terkandung dalam modul ‘10 Tonggak Melayu Bersendi Kitabullah’. Program ini bertempat di di premis Darul Muhibbin di Kuala Lumpur dan berlangsung dari bulan April 2014 sehingga bulan Februari 2015.



## 5. REHLAH DAKWAH KEMUDI DI UNITED KINGDOM (OKTOBER 2016)

Pengerusi & Timbalan Pengerusi KEMUDI telah dijemput oleh beberapa pihak persatuan pelajar beserta komuniti Malaysia untuk berkongsi Ilmu Agama & Sejarah Melayu dalam program Rehlah Dakwah UK pada bulan Oktober 2016 yang lepas. Antara tempat yang disinggahi adalah Birmingham, Cardiff, Glasgow dan London.



## 6. MUZAKARAH TIGA TIANG SERI MELAYU (APRIL 2017)

KEMUDI telah berperanan sebagai salah satu penggerak utama dalam Gabungan Angkatan Melayu Islam Nusantara (AMIN) yang telah menganjurkan Muzakarah Tiga Tiang Seri Melayu pada 15 April 2017 (Sabtu). Program ini dibuat dengan kerjasama Pejabat Pegawai Khas KPI kepada YB Menteri di Jabatan Perdana Menteri, Dato' Seri Jamil Khir bin Baharom.



Muzakarah ini bertujuan untuk menggagaskan konsep ‘Bangsa Malaysia’ pada juzuk-juzuk kaum yang lain di tanahair ini, iaitu yang terasas atas jatidiri Melayu yang menghormati Islam sebagai agama Persekutuan, kesetiaan kepada Raja-raja Melayu sebagai pemegang amanah kedaulatan watan, berbahasa Melayu, mengamalkan adat resam Melayu, komited sebagai rakyat Malaysia dan anak cucu kepada warga Malaysia. Tiga Tiang Seri Melayu adalah seperti berikut:



- Beraqidah Ahlus Sunnah Wal Jamaah serta menolak fahaman yang menyeleweng dari *Ahlus Sunnah wal Jamaah* seperti fahaman Wahabisme, Syiahisme, Liberalisme, Sekularisme, Hisbut Tahir dan apa jua fahaman-fahaman lain yang tersasar dari ajaran *Ahlus Sunnah Wal Jamaah*.
- Menjunjung, mengukuh, memelihara serta mempertahankan Institusi Raja-raja Melayu sebagai pemegang amanah kedaulatan watan. Berikrar taat setia pada Duli-duli Tuanku, dalam peranan pertama dan utama untuk memelihara unsur-unsur tradisi bagi pelestarian jatidiri negara yang bertamadun, berbudaya serta berperadaban inggi dan luhur. Juga dalam peranan sebagai payung dan penguasa dalam hal ehwal pentadbiran agama Islam dan perlombagaan negara Malaysia.
- Memurnikan dan mempasakkan kembali warisan identiti serta jatidiri budi-budaya, kesantunan dan pekerti bangsa yang murni luhur.

## 7. HAFLAH ZIKIR PERDANA (JULAI 2017)

Majlis Haflah Zikir Perdana (HZP) bertaraf antarabangsa, dengan tema '*Islam is Peace*' telah berlangsung dari 24-30 Julai 2017 lepas, anjuran NGO Tarekat Muktabar Malaysia (PERTAMA) yang mana KEMUDI berperanan sebagai salah seorang rakan strategik dalam majlis tersebut. Komponen HZP ada 6 iaitu Marhaban, Persidangan Ulama Antarabangsa, *Sama' World Festival*, Simposium Tarekat Tasawuf Nusantara, Asnaf Food Truck dan Zikir Perdana dan telah mendapat liputan meluas daripada berbagai media dan sempat dihadiri oleh beberapa menteri kabinet seperti TPM, Datuk Sei Jamil Khir, Shahidan Kassim dsbnya. TPM Dato' Seri Zahid Hamidi juga telah melancarkan Pusat Sufi Sedunia di Malaysia.



## 8. TAHLIL PERDANA (OGOS 2017)



Majlis ‘Tahlil Perdana: Mengingati Para Pejuang Watan’ anjuran KEMUDI telah diadakan pada tanggal 30 Ogos lepas di Masjid Sultan Salahuddin Abdul Aziz Shah, Shah Alam. Antara matlamat penganjurannya adalah sebagai suatu platform yang penting untuk menyemai kembali benih cinta kepada para pejuang agama, bangsa dan watan sekaligus menumbuhkan semangat patriotisme dalam kerangka Hubbul Watan yang diwasiatkan oleh junjungan besar Rasulullah ﷺ.



## 9. SIDANG USUL WARISAN MELAYU MUSTAFAWI (2017)



Program sulung ‘Sidang Usul Warisan Melayu Mustafawi’ disasarkan khusus kepada golongan pelajar dan bekas pelajar IPT, bertempat di Darussakinah, Denai Alam, Shah Alam pada 25hb Februari 2017. Program perkongsian sejarah & warisan Melayu serta elemen-elemen kemelayuan yang berpasak al-Quran dan Sunnah Rasulullah ﷺ, yang dizahirkan dalam roh dan jasad ‘ketamadunan’ Melayu Nusantara. Semoga program ini mampu memberi semangat generasi muda kini, kembali memakai identiti serta jatidiri warisan leluhur dalam peradaban Melayu Mustafawi (yang mencintai dan mengamalkan sunnah Nabi dalam teras Aqidah, Syariat & Tasawuf dalam wajah budaya bangsa), *amiin ya Robbal ‘alamiin*.



## PROGRAM & AKTIVITI KEMUDI NOVEMBER-DISEMBER 2017

### KARNIVAL MUSLIM NIAGA


Anjuran : Muslim Media Marketing & KEMUDI  
Tarikh : 24-26 hb November 2017  
Tempat : Masjid Wilayah Persekutuan, Kuala Lumpur

---

### PROGRAM WACANA ILMU DI MESIR

Anjuran : KEMUDI, Persatuan Pelajar dan Komuniti Malaysia  
Tarikh : 28 hb November -5 hb Disember 2017  
Tempat : Kaherah, Mesir

---



### MAULID AGUNG ALAM MELAYU

Anjuran : Ratib Alami dengan kerjasama KEMUDI  
Tarikh : 2 hb Disember 2017  
Tempat : Riyadh Restu, Selangor Darul Ehsan

# MODUL

## 10 TONGGAK MELAYU BERSENDI KITABULLAH

Buang ilmu yang keruh, ambil ilmu yang jernih, baru teguh keperibadian

**Siri Pengajian Akar Sejarah Bangsa: 10 Tonggak Melayu Bersendi Kitabullah ini dibuat dan dikelolakan oleh Pertubuhan NGO Kesedaran Melayu & Islam (KEMUDI) sebagai satu saluran untuk merungkai serta memurnikan kembali kesalahfahaman tentang beberapa aspek sejarah bangsa Melayu, khususnya di zaman awal perkembangan Islam.**

Kesilapan dan kesalahfahaman tentang beberapa aspek pensejarahan Melayu telah membawa kesan negatif bukan sahaja dari sudut gambaran luaran tentang umat Melayu, ianya juga telah mencetuskan krisis identiti, sosio-budaya dan jatidiri yang agak parah, kerana generasi Melayu kini lebih selesa berkiblatkan barat yang sebenarnya adalah ‘tamadun sengsara’, dari mencontohi gaya hidup leluhur mereka yang hakikatnya lebih dekat dengan pengamalan Islam yang hakiki, selain menjadi umat Islam yang peradaban tinggi dan mulia, mendakap ‘tamadun sejahtera’.

Semoga Siri Pengajian Akar Sejarah Bangsa: Melayu, Islam, Beraja ini dapat membantu dalam mengembalikan kefahaman akar sejarah bangsa Melayu yang sebenar, serta dijadikan sumber inspirasi serta kekuatan bagi generasi umat Melayu masakini dan yang akan datang untuk mencontohi serta mengambil tauladan dari gaya hidup leluhur mereka yang lebih mulia



dengan anutan fahaman agama yang benar dan bertasawuf tinggi serta berperadaban gemilang.

### PENSYARAH

Para pensyarah Siri Pengajian Akar Sejarah Bangsa: 10 Tonggak Melayu Bersendi Kitabullah ini adalah mereka yang pakar atau yang telah dididik oleh pakar-pakar dalam aspek-aspek sejarah perkembangan Islam di Alam Melayu, contohnya tentang peranan ahlul-bait Nabi ﷺ dalam proses Islamisasi Nusantara, pembentukan faham agamanya, institusi raja-raja Melayu, hukum adat, seni beladiri dan persenjataan Melayu, sastera dan seni Melayu Islam dan sebagainya, yang menatijahkan ketinggian budaya, peradaban dan ketamadunan rantau ini pada suatu masa dahulu.

Selain itu juga berupaya mengupas prinsip dan peranan orientalis serta natijahnya kepada aspek-aspek pentafsiran sejarah yang tersasar dari realiti sebenar, latarbelakang pembentukan

Perlembagaan Persekutuan, aspek-aspek perlembagaan yang menyentuh kedudukan Melayu, Islam dan Raja-raja Melayu serta natijah dari pindaan perlembagaan juga akan dilibatkan dalam modul-modul yang berkaitan.

Penglibatan para agamawan yang mahir dalam sejarah perkembangan fahaman *Ahlus Sunnah wal Jamaah* serta Tasawuf/Tarekat di Alam Melayu

Nusantara, serta natijahnya kepada aspek-aspek pemikiran dan kehidupan umat Melayu Nusantara juga akan dilaksanakan dalam program ini. Mereka turut mengupas beberapa aspek-agama yang relevan kepada pengukuhan serta pelestarian bangsa dan agama di tanahair, yang diambil iktibarnya dari sejarah Islam yang panjang dan penting dalam dunia Melayu.

## MODUL-MODUL KEMUDI

### MODUL 1 SEJARAH SEBAGAI WASILAH KEBANGKITAN UMMAH

Modul ini terbahagi kepada empat bahagian:

**PERTAMA** • Melayu itu apa? Mengupas kejihilan masyarakat Melayu pada pengenalan bangsa. Wujud beberapa kategori seperti generasi Y, masyarakat umum, ahli-ahli politik, kumpulan-kumpulan, jemaah-jemaah, NGO-NGO Melayu Islam, serta golongan agamawan yang rata-rata tidak mengenali ataupun salah faham tentang aspek-aspek akar sejarah, jatidiri dan keperibadian bangsa. Natijahnya tidak wujud kesefahaman tentang perkara-perkara asas serta nilai-nilai kemelayuan dan keislaman sebagai warisan leluhur yang seharusnya terus dikongsi, diamalkan, dipelihara, malah dipertahankan secara berjemaah dalam lingkungan keluarga bangsa.

**KEDUA** • ‘Dimana silap kita? ‘Keruh di hulu, keruhlah di hilir’. Menyentuh sebab musabab di sebalik persepsi negatif terhadap sejarah dan bangsa Melayu sehingga mendatangkan kesan buruk pada keyakinan diri sebagai orang Melayu, serta keengganan generasi masakini untuk menjadikan leluhur sebagai rujukan dan pedoman. Menghuraikan agenda sinister dan peranan orientalis dalam pentafsiran sejarah Melayu dan Islam serta natijahnya yang meracuni alam pemikiran masyarakat Melayu hari ini.

**KETIGA** • Agenda pemurnian ilmu akar sejarah dan asal usul bangsa Melayu yang diharapkan berpotensi membangkitkan kesedaran, inspirasi, semangat, motivasi dan panduan serta digunakan pula sebagai ‘senjata ampuh’ dalam menangani ancaman getir pada identiti, jatidiri, budaya dan agama bangsa ini..’ Selain berpotensi mengembalikan KESEFAHAMAN umat Melayu yang hari

ini tidak lagi bersefahaman sehingga mencetuskan pecah belah yang hebat....’

**KEEMPAT** • Apa ada pada sejarah Melayu? Huraian aspek-aspek sejarah Melayu yang penting sehingga berhasil melahirkan rumpun bangsa Nusantara yang berbudaya, berperadaban dan bertamadun tinggi dan cemerlang sehingga diiktiraf dunia waktu itu, bangsa yang berpegang pada prinsip ummatan wasata selain bangsa pendokong dan pembenteng agama Islam. Dibentangkan juga pengenalan kepada ilmu **10 Tonggak Melayu Bersendi Kitabullah** warisan leluhur Melayu yang penting dan relevan dalam ikhtiar memulihkan serta membangkitkan kembali umat Melayu. Seungguhnya umat Melayu adalah subset kepada umat Islam, maka mengukuhkan umat Melayu adalah sebenarnya mengukuhkan umat Islam.

---

## MODUL 2

### SEJARAH MELAYU DAN ISLAM: MEMPERBETULKAN KESALAHFAHAMAN

Modul ini terbahagi kepada tiga bahagian.

**PERTAMA** • Membentangkan topik ‘Jalan Mengenal Melayu, iaitu ‘approach’ yang digunakan secara sistematik dalam perkongsian ilmu Akar Sejarah Bangsa serta 10 Tonggak Melayu Bersendi Kitabullah.

Tujuannya adalah untuk meneutralkan minda dan melapangkan dada, malah mencetuskan sikap positif dalam proses menadah ilmu-ilmu Melayu dan kemelayuan. Turut dikupas adalah polemik ‘asabiyah, iaitu memahamkan semula perbezaan diantara sifat ‘asabiyah hasanah dan ‘asabiyah dholalah yang memberikan natijah yang berbeza dalam konteks perjuangan bangsa yang sebenar. Menjawab persoalan mengapa Melayu dan Islam tidak boleh dipisahkan, apakah maksud perjuangan Melayu yang hakiki dan mengapa perlu memperkuuhkan umat Melayu.

---

**KEDUA** • Menghuraikan keperluan mengenali asal-usul diri dengan bersandarkan dalil Quran, Hadith dan athar sahabat. **KETIGA** • Menangani isu-isu ‘Prejudis Dalam Persepsi’; dengan matlamat memecahkan tembok prejudis pada hal-hal Melayu dan kemelayuan.

## MODUL 3

### JUZUK JUZUK MELAYU

Modul ini terbahagi kepada tiga bahagian.

**PERTAMA** • Pengenalan ringkas kepada dua faktor pembentuk keperibadian seorang manusia, iaitu faktor Baka dan Bimbingan atau *Nature and Nurture*. Bahagian ini mengkhususkan perbincangan kepada faktor Baka atau *Nature* bagi rumpun bangsa Melayu termasuk persoalan genetik.

**KEDUA** • Tafsiran asal-usul bangsa Melayu dari perspektif ikatan budaya dan politik kenegaraan.

**KETIGA** • Tafsiran bangsa Melayu oleh alim-ulama Melayu silam yang tersohor.

## MODUL 4

### AHLUL-BAIT RASULULLAH ﷺ DI ALAM MELAYU : SEJARAH, HIJRAH & HIKMAH

Modul ini meliputi empat bahagian.

**PERTAMA** • Pengenalan dalil al-Quran, Hadith dan athar para sahabat tentang siapa yang dimaksudkan dengan Aal dan *ahlul-bait* Rasulullah ﷺ, termasuk pengertian nasab, zuriat dan kerabat Nabi ﷺ, hukum-hakam Islam dalam perkara-perkara yang menyentuh *Aal* dan *ahlul-bait* Nabi ﷺ seperti wasiat baginda tentang peranan dan keutamaan mereka, hak-hak mereka, adab umat Islam kepada mereka serta menjawab isu-isu yang berkaitan dengan *ahlul-bait* Nabi ﷺ khususnya polemik Syiah.

**KEDUA** • Menghuraikan sejarah dan peranan *ahlul-bait* Nabi ﷺ dalam perkembangan Islam di alam Nusantara. Pengenalan kepada beberapa tokoh ulama dan umara Nusantara dari kalangan mereka.

**KETIGA** • Menghuraikan sejarah, peranan dan warisan *ahlul-bait* Nabi ﷺ dalam mencorak faham agama, budaya, peradaban dan jatidiri Melayu Nusantara.

**KEEMPAT** • Menghuraikan kepentingan *ahlul-bait* Nabi ﷺ dalam era kebangkitan umat dan perjuangan di Akhir Zaman yang bakal diterajui oleh Imamul Mahdi *al-Muntazar* sebagai ketua bagi seluruh *ahlul-bait* Nabi ﷺ di waktu itu.

---

## MODUL 5

### SEJARAH MELAYU NUSANTARA DAN FAHAMAN AHLUS SUNNAH WAL JAMAAH

Modul ini terbahagi kepada empat bahagian.

**PERTAMA** • Kepercayaan dan amalan masyarakat Nusantara sebelum kedatangan Islam.

**KEDUA** • Mengupas sejarah kemunculan alim-ulama *awallun*, Fiqh Dakwah mereka serta pengajarannya secara ringkas.

**KETIGA** • Istilah dan fahaman ulama *Ahlus Sunnah Wal Jamaah*, hujjah serta dalil dari sumbernya.

**KEEMPAT** • Tokoh-tokoh ulama dan kitab-kitab yang diajar sebagai dalil tentang pembentukan kefahaman rumpun Melayu Nusantara dalam fahaman *Ahlus Sunnah Wal Jamaah*. Juga diberi beberapa contoh perlembagaan dan dasar beberapa kesultanan Melayu Nusantara yang menjadikan ajaran *Ahlus Sunnah Wal Jamaah* sebagai teras induk bagi bentuk kefahaman dan amalan agamanya.

**KELIMA** • Mengupas punca sejarah kecelaruan fahaman agama yang menimpa umat Islam Nusantara masakini dan kaedah-kaedah pemurnian fahaman tersebut.

## MODUL 6

### TASAWUF TUNJANG KEKUATAN RUMPUN MELAYU NUSANTARA

Modul ini meliputi lima bahagian.

**PERTAMA** • Istilah dan konsep tazkiyatun nufus dan ihsan sebagai satu diantara tiga tiangseri Islam yang utama berpandukan pada dalil Hadith Jibrail ﷺ, sejarah ringkas tasawuf dan tarekat dalam perkembangan awal Islam.

**KEDUA** • Peranan dan keistimewaan alim-ulama serta mubaligh sufi dalam perkembangan Islam di Kepulauan Melayu, sumber kitab, ajaran dan pentarbiyah tokoh-tokoh alim-ulama sufi kepada sistem pendidikan tradisional umat Melayu Nusantara.

**KETIGA** • Beberapa contoh ulama-umara sufi yang berperanan penting dalam lanskap pemerintahan tradisional umat Melayu Nusantara, perjuangan, pengajaran serta warisan mereka.

**KEEMPAT** • Manifestasi yang tercermin daripada ajaran serta pentarbiyah alim-ulama sufi dalam aspek-aspek serta ciri-ciri kemelayuan seperti bahasa, alam pemikiran, pandangan alam, adat, akhlak, budaya, kesenian, kesusasteraan, persilatan, senibina dan sebagainya.

**KELIMA** • Menyelesaikan masalah kecelaruan aqidah ummah dengan kembali kepada ajaran alim-ulama sufi Melayu tradisional, khususnya dalam perkara Tasawuf Tauhid atau Tauhid Makrifat, Tasawuf Fiqh dan Tasawuf Akhlak

---

## MODUL 7

### RUKUN LIMA KECINTAAN : WARISAN AGUNG AHLUL-BAIT NABI ﷺ DI ALAM MELAYU

Modul ini akan menunjukkan kemurnian dan kecantikan Islam yang dibawa oleh pegangan Ahlul-Bait yang diambil dari sandaran al-Quran dan al-Hadith Nabi Muhammad ﷺ. Pada hakikatnya konsep ini dinamakan Rukun Kecintaan yang perlu ada pada setiap orang yang beriman kepada Allah ﷺ dan Rasulullah ﷺ. Modul ini terbahagi kepada lima bahagian.

**PERTAMA** • Kecintaan kepada Allah ﷺ; ia akan menjelaskan bagaimana timbulnya rasa ketuhanan makhluk pada Penciptanya dan apakah rahsia apabila dapat mencintaiNya.

**KEDUA** • Kecintaan kepada para Rasul ﷺ; ia akan menjelaskan bagaimana Allah meletakkan gambaran zatNya pada sekelian hambaNya dengan menurunkan para RasulNya terutama kelebihan yang Allah ﷺ letakkan pada kekasihNya yang agung Nabi Muhammad ﷺ dan bagaimana untuk meraih cinta mereka.

**KETIGA** • Kecintaan kepada ahli keluarga Baginda ﷺ; ia menerangkan bahawasanya rahsia tersimpan di dunia ini terdapat pada ahli keluarganya dan mengapa perlu mencintai mereka.

**KEEMPAT** • Kecintaan kepada para sahabat Baginda ﷺ; ia menerangkan bahawa definisi sahabat Nabi ﷺ, kecintaan Nabi ﷺ pada para sahabatnya, wasiat Nabi pada umatnya.

**KELIMA** • Kecintaan kepada seluruh umat Islam; ia meletakkan makna persaudaraan, kasih-sayang dan kesatuan yang perlu difahami oleh masyarakat Islam.

---

## MODUL 8

### INSTITUSI KHALIFAH, SULTAN DAN RAJA-RAJA MELAYU

Modul ini terbahagi kepada lima bahagian.

**PERTAMA** • Institusi Khalifah, kesultanan dan raja-raja dari sudut ajaran jumhur ulama Ahlus Sunnah Wal Jamaah. Hukum-hakam yang terkait dengan aspek-aspek kelayakan, perlantikan, tanggungjawab, hak pemerintah dan yang diperintah akan dibicarakan di sini. Menangani persoalan raja yang zalim serta isu bughah juga disentuh.

**KEDUA** • Sejarah ringkas perkembangan pemerintahan khalifah, sultan dan raja-raja Islam bermula pada zaman Nabi Daud, kemudian pada era *Khulafa' ar Rashidin* dan seterusnya seperti *Umaiyyah*, *Abbasiyah*, *Fatimiyah*, *Ayubiyah*, *Othmaniyyah* dan sebagainya.

**KETIGA** • Tinjauan ringkas sejarah Raja-raja Melayu, peranan dan jasa dalam lanskap pemerintahan umat Melayu tradisional.

**KEEMPAT** • Latarbelakang kewujudan sistem sekular khususnya dalam bidang pendidikan dan pemerintahan bercorak demokrasi di Tanah Melayu yang mencairkan kedaulatan dan peranan Raja-raja Melayu dan kesannya kepada umat Melayu dan Islam masakini.

**KELIMA** • Kepentingan Institusi Raja-raja Melayu sebagai benteng umat Melayu Islam yang terakhir dan cadangan strategi mengemaskini serta mengukuhkan kembali Institusi Raja-raja Melayu dalam menghadapi cabaran-cabaran semasa.

---

## MODUL 9

### HUKUM MENGATA ADAT MEMAKAI: ADAT MELAYU BERSENDI KITABULLAH

Modul ini terbahagi kepada empat bahagian.

**PERTAMA** • Menghuraikan sejarah ringkas, kepentingan dan peranan Hukum Adat & Syariat dalam mentadbir dan mengurus rumpun masyarakat Melayu Nusantara tradisional, keberhasilannya dalam membentuk kesefahaman, kerukunan, kesentosaan dan kesejahteraan masyarakat Nusantara.

**KEDUA** • Adat Bersendi Kitabullah, menghuraikan beberapa kategori adat Melayu dan contoh-contoh dalam kehidupan masyarakat Melayu tradisional. Ringkasan Adat Raja-raja Melayu yang

bersumber dari hukum Fiqh Daulah.

**KETIGA** • Mengupas maksud bid'ah dan beberapa kategori bid'ah mengikut fahaman jumhur ulama *Ahlus Sunnah Wal Jamaah* serta persoalan-persoalan adat Melayu yang berkaitan.

**KEEMPAT** • Bidah dan Kestabilan Dinamik, suatu penjelasan tentang keperluan berinteraksi dengan peredaran masa, suasana dan tempat tanpa mengkompromi perkara-perkara asas dan teras bagi orang Melayu seperti faham dan amalan agamanya, serta adatnya yang bersendi kitabullah, sehingga mampu mewujudkan kestabilan dinamik yang harmoni.

---

## MODUL 10

### PERLEMBAGAAN PERSEKUTUAN

### KEDUDUKAN MELAYU, ISLAM DAN INSTITUSI RAJA-RAJA MELAYU

Modul ini terbahagi kepada lima bahagian

**PERTAMA** • Sejarah ringkas kemunculan, peranan dan campurtangan British dalam sejarah pergolakan golongan bangsawan Melayu lama sekitar abad ke 19-20 Masihi yang membawa kesan negatif pada lanskap pemerintahan Melayu tradisional.

**KEDUA** • Latarbelakang penubuhan Perlembagaan Persekutuan dalam konteks perjuangan kemerdekaan tanahair, prinsip *jus soli*, serta pengenalan sistem sekular dalam aspek-aspek pentadbiran negara Malaysia dan natijahnya.

**KETIGA** • Kedudukan Melayu, Islam dan Institusi Raja-raja Melayu dalam Perlembagaan Persekutuan.

**KEEMPAT** • Pindaan Perlembagaan 1983 dan 1994 serta kesannya pada kedudukan umat Melayu, Islam dan Institusi Raja-raja Melayu.

**KELIMA** • Cabaran-cabaran masakini yang menggugah Perlembagaan Persekutuan dan strategi menanganinya

---

## MODUL 11

### SEKULARISME DI TANAH MELAYU: FAKTA, SEJARAH DAN NATIJAH

Modul ini terbahagi kepada lima bahagian.

**PERTAMA** • Mengupas secara ringkas tentang latarbelakang sejarah pergolakan cendikiawan Eropah dengan golongan feudal dan gereja yang menatijahkan kemunculan sistem-sistem sekular dan negara-negara republik menggantikan monarki dan khalifah.

**KEDUA** • Doktrin sekular dan ancamannya pada pandangan alam Islam, sistem sekular menerbitkan sistem-sistem pentadbiran dan pengurusan manusia yang tidak fitrah, mewujudkan kepimpinan palsu dan Tamadun Sengsara.

**KETIGA** • Sejarah ringkas kemunculan sistem pendidikan sekular di Tanah Melayu menggantikan sistem pendidikan tradisional yang berpusat dan berpaksikan pandangan alam Islam.

**KEEMPAT** • Bahana pendidikan sekular di Tanah Melayu yang tercermin pada segenap aspek kehidupan umat Melayu seperti sistem pemerintahan, bahasa, alam pemikiran, akhlak dan peradaban, ekonomi, sosio-budaya dan sebagainya.

**KELIMA** • Strategi pembebasan dan pemurnian ilmu dari fahaman sekularisme.

---

## MODUL 12

### MENJANA GENERASI MELAYU MUSTAFAWI

Modul ini terbahagi kepada tiga bahagian.

**PERTAMA** • Penjelasan tentang keperluan mencari dan melaksanakan strategi bersama sebagai suatu hal yang penting dan praktikal, natijah daripada kesedaran yang bangkit dari ilmu-ilmu yang dipelajari dan difahami sebelumnya, kerana ilmu tanpa pelaksanaan ilmu adalah seperti mencurah air ke daun keladi, sedangkan apa yang dicitakan adalah mencari penawar kepada apa yang sakit, menggali khazanah yang lama terkambus, mengikat apa yang telah terlerai, mencari apa yang telah hilang, menggilap kembali mutiara dalam lumpur, menemukan kembali jatidiri leluhur yang luhur. Pemulihan dan pengukuhan umat Melayu dan umat Islam mampu membentuk kembali Tamadun Sejahtera dan mendapatkan keredhoan Allah, ameen.

**KEDUA** • Pengenalan tentang konsep dan istilah di sebalik jenama ‘Melayu Mustafawiyah’, seterusnya penghuraian tentang 9 Teras Jatidiri Melayu iaitu: 1: Faham agama aliran *Ahlussunnah wal Jamaah*. 2: Tasawuf dan *Tazkiyatun Nufus*. 3: Dakwah Akhlak & Budi. 4: Adab kepada Umara/Kepimpinan/ Raja-Raja Melayu, Adab kepada ulama, Adab kepada *ahlul-bait* Nabi ﷺ. 5: Celik Bahasa Melayu Jawi dan mengambil pedoman dari kitab-kitab kuning. 6: Pengamal adat Melayu bersendikan kitabullah. 7: Pengamal seni beladiri. 8: Pemenafaan Kudrat Alami. 9: Pengamal seni, sastera dan budaya Melayu yang mesra Islam.

**KETIGA** • Penghuraian tentang 9 teras penjatian Mustafawiyah yang dipetik ramuannya daripada alim-ulama *ahlul-bait* Nabi ﷺ dari Hadramawt, Yaman, iaitu: 1: Khalifah Allah 2: Irada dan Ba’ith 3: Suhbah 4: Pembudayaan Ilmu Bersanad 5: *Tazkiyatun Nufus* 6: ‘Biah Mustafawiyah’ & Berjemaah 7: Mahabbah Rasulullah ﷺ 8: Mahabbah, ukhwah & silaturrahim 9: Duta Rasulullah ﷺ . Natijah dari penjatian Melayu *Mustafawi* melalui 9 Teras Jatidiri Melayu & 9 Teras ‘Mustafawiyah’ ini diharap mampu melahirkan umat Melayu Islam yang mempunyai ciri-ciri adab, akhlak, jatidiri dan keperibadian unggul dan luhur sebagaimana jatidiri leluhur umat Melayu dahulukala, yang diharapkan menjadi kebanggaan dan kegembiraan Rasulullah ﷺ dan mendapat kecintaan Allah ﷺ dan keredhoanNya.


## RUMUSAN

Sejarah awal perkembangan Islam di kepulauan Melayu lebih 800-1200 tahun yang lalu telah menyaksikan peranan, jasa dan sumbangan alim-ulama ahlil-bait Nabi ﷺ yang besar, hatta mewariskan pada bangsa Melayu ini tasawufnya yang tinggi baik dari segi Tauhid, Feqah dan Akhlak . Manifestasi ini terzahir melalui pemerintahan raja-rajanya, perundangan, pandangan alam, adat budaya, adab-adab kemasyarakatan, busananya, senibina, ragam hiasnya mahupun silat serta perkerisannya. Bagaimanapun elemen-elemen ini mula dipisah-pisahkan semenjak kemunculan elemen-elemen sekularisme di tanahair kita sehingga mengundang natijah yang buruk kepada umat Melayu dan umat Islam hari ini. Maka adalah menjadi harapan kami untuk menyatukan kembali elemen-elemen Melayu yang terpisah-pisah di dalam satu platform dengan harapan ianya dapat membina kembali jatidiri Melayu yang hakikatnya adalah berteras dan berintisarikan amalan Islam hakiki dan tasawuf peringkat tinggi. Sehubungan dengannya PERTUBUHAN NGO KESEDARAN MELAYU & ISLAM (KEMUDI) telah ditubuhkan untuk menjalin kerjasama dengan mana-mana pihak yang berminat dengan matlamat merealisasikan perkongsian dan penyebaran modul-modul yang terkait dengan misi dan visi yang tersebut ini.

## MEMORANDUM OF UNDERSTANDING KEMUDI & (IAIN) SULTAN MAULANA HASANUDDIN, BANTEN



Perjanjian MOU ditandatangani diantara Pertubuhan KEMUDI dengan Institusi Agama Islam Negeri (IAIN) Sultan Maulana Hasanuddin Banten, Indonesia pada tnggal 29 Ogos 2015 di Kuala Lumpur



# CADANGAN AKTIVITI KEMUDI 2018

## 1. MENERUSKAN AKTIVITI SEDIA ADA

- Menghadiri seminar-seminar dan program-program ilmu dengan tujuan mengumpul data-data dalam simpanan dan rekod KEMUDI
- Membina dan memperkuuhkan jaringan dengan institusi-institusi, Ngo-ngo dan tokoh-tokoh yang relevan terkait Misi & Visi KEMUDI
- Meneruskan tugas Penyelidikan & Pembangunan (R&D) terkait modul '**10 Tonggak Melayu Bersendi Kitabullah'**
- Meneruskan tugas menyumbang artikel-artikel dan bahan-bahan penulisan dalam berbagai platform media seperti Media Sosial, Elektronik dan Cetak

## 2. SIDANG USUL WARISAN MELAYU MUSTAFAWI

- Program bulanan yang bermula pada bulan Januari 2017 ini bertujuan berkongsi sejarah & warisan Melayu serta elemen-elemen kemelayuan yang berpasak al-Quran dan Sunnah Rasulullah ﷺ yang dizahirkan dalam ‘ketamadunan dan peradaban’ Melayu di Nusantara suatu masa dahulu.
- Program ini akan diterus dan dikembangkan dengan penambahan bacaan kitab Tauhid Makrifat daripada buku bertajuk '**Allah, Syariat, Hakikat**'

## 3. TALAQKI & JELAJAH ‘AGENDA KEDAULATAN WATAN’ (AKWAM)

### • KONSEP KEDAULATAN WATAN

**Konsep Kedaulatan Watan** adalah satu doktrin pengamanahan kedaulatan Raja-raja Melayu. Ia meletakkan Raja-raja Melayu pada posisi yang mulia dan dihormati sebagai khalifah Allah ﷺ. Konsep kedaulatan yang telah diasaskan semenjak zaman empayar Kesultanan Melayu Melaka itu boleh dihuraikan melalui sisi Sejarah, Fiqh Siyasi, Budaya & Ketamadunan, serta Perundangan Islam. Ia bukan sahaja premis PALING SAHIH untuk mentakrifkan konsep kedaulatan Raja-raja Melayu dalam Perkara 181(1) Perlembagaan Persekutuan, malahan dapat memberikan tafsiran muktamad status ajaran Islam yang termaktub dalam Perkara 3 dan Perkara 11, juga penjelasan ‘Sumpah YDP Agong’ dalam Jadual ke-4, Perlembagaan Persekutuan.

Ringkasnya, pentafsiran Perkara 181(1) berteraskan ‘Konsep Kedaulatan Watan’ merupakan ‘roh atau semangat sebenar’ kepada peruntukan ‘Islam sebagai agama Persekutuan’, termaktub dalam Perkara 3 (1)

Perlembagaan. Implikasi daripada konsep itu memberi dimensi mantap tentang kedudukan dan peranan Raja-raja Melayu dalam pemerintahan dan kewajipan-kewajipan baginda untuk memelihara unsur-unsur tradisi bagi pelestarian jatidiri negara yang bertamadun, berbudaya dan berperadaban tinggi dan luhur.

‘Konsep Kedaulatan Watan’ ini telah digagaskan oleh Datuk Dr Wan Ahmad Fauzi bin Wan Husain, merupakan gagasan yang juga diperjuangkan secara kebersamaan oleh beberapa pertubuhan bukan kerajaan (Ngo) sehingga tertubuhnya Sekretariat AKWAM, dengan matlamat antara lainnya untuk menyebarkan gagasan AKWAM kepada masyarakat Malaysia dari berbagai lapisan. Adalah diharapkan AKWAM akan berperanan aktif untuk memelihara Islam dan doktrin pengamanahan kedaulatan Raja-raja Melayu seperti ia dipelihara dalam Perkara 181 Perlembagaan Persekutuan.

- KEMUDI bertindak sebagai antara penggerak utama dalam Sekretariat AKWAM, yang ditubuhkan bersama beberapa Ngo lain Yayasan Himmah, Majlis Ittihad Ummah dan Pertubuhan Angkatan Melayu Islam Nusantara (AMIN), dengan matlamat memberikan penerangan intisari AKWAM kepada mana-mana pihak yang berminat mengetahui dengan lebih lanjut tentang konsep ini, bagi membentuk kesedaran masyarakat atas perkara yang penting dan relevan ini, termasuk kepada Ngo-ngo Melayu & Islam, badan-badan kerajaan, institusi-institusi akademik, badan-badan korporat, parti-parti politik, tokoh-tokoh masyarakat dan sebagainya
- 

#### **4. MAJLIS IKRAR TAAT SETIA DYMM RAJA MELAYU: TONGGAK KEDAULATAN WATAN**

- KEMUDI akan bekerjasama dengan Pertubuhan Angkatan Melayu Islam Nusantara (AMIN) sebagai penggerak utama dalam melaksanakan program ‘Majlis Ikrar Taat Setia DYMM Raja Melayu: Tonggak Kedaulatan Watan’ yang akan menghimpunkan warga pesilat seluruh tanahair, budayawan dan Ngo-ngo Melayu Islam. Antara matlamat program ini adalah mendesak semua pihak yang berkenaan untuk menggerakkan uamat Melayu sebagai bangsa pencinta dan pembenteng agama dan watan (*hubbul watan*)
  - Cadangan Majlis adalah dalam bulan April tahun depan
- 

#### **5. MAJLIS TAHLIL PERDANA**

- Majlis ‘Tahlil Perdana: Mengingati Para Pejuang Watan’ yang pertama kali diadakan pada tanggal 30hb Ogos lepas di Masjid Sultan Salahuddin Abdul Aziz Shah, Shah Alam, akan dijadikan program tahunan KEMUDI. Ianya diharap dapat menjadi suatu platform yang penting untuk menyemai kembali benih cinta kepada para pejuang agama, bangsa dan watan sekaligus menumbuhkan semangat patriotisme dalam kerangka Hubbul Watan yang diwasiatkan oleh junjungan besar Rasulullah ﷺ.
- Cadangan tarikh program ini adalah 30hb Ogos 2018

## 6. KOLOBORASI DENGAN NGO PERTUBUHAN TAREKAT MUKTABAR MALAYSIA (PERTAMA ) DALAM HAFLAH ZIKIR PERDANA 2018

- Semenjak program Zikir Perdana anjuran Pertubuhan Tarekat Muktabar Malaysia dilaksanakan dalam tahun 2015 dan dilanjutkan pada tahun 2016, seterusnya pengajuran Haflah Zikir Perdana dalam bulan Julai 2017 yang lalu, KEMUDI menjadi antara rakan kerjasama yang menggerakkan program ini. Dalam Haflah Zikir Perdana, KEMUDI diberi kepercayaan mengendalikan dua komponen Haflah, iaitu *World Sama' Fest* dan Simposium Tarekat Tasawuf Nusantara.
- KEMUDI akan terus bekerjasama dengan PERTAMA dalam menjayakan Haflah Zikir Perdana edisi 2018 yang dijangka akan berlangsung pada bulan September tahun depan, insyaAllah

## 7. MAWLID AGUNG ALAM MELAYU EDISI 2018

- Mawlid Agung Alam Melayu anjuran Ratib Alami dengan kerjasama KEMUDI semenjak setahun yang lalu akan diteruskan lagi dengan konsep yang unik dan segar, iaitu majlis *Mawlidurrasul* yang diwajahi dalam rupa bentuk adat budaya kemelayuan, siap dengan busana dan alunan qasidah-qasidah Melayu.
- Seperti biasa, ianya akan diadakan pada 12 Rabiul Awwal 1440 Hijrah

## BUKU-BUKU PUAN PENGERUSI KEMUDI





## SUMBANGAN/ DERMA SOKONGAN ANDA DIPERLUKAN

Sumbangan boleh dibuat atas nama **Pertubuhan Kesedaran Melayu Dan Islam**, dengan cara:

1. Mesin Elektronik ATM/CDM dan Perbankan Dalam Talian

- Deposit Tunai ATM/ CDM  
 Perbankan Dalam Talian

RM: ..... Tarikh: .....

**BANK ISLAM** No. Akaun: 12186010002000  
PERTUBUHAN KESEDARAN MELAYU DAN ISLAM

Nama Penderma : .....

No K/P : ..... No Tel: .....

- \* Sumbangan melalui cek mestilah berpalang dan dibayar kepada:  
PERTUBUHAN KESEDARAN MELAYU DAN ISLAM
- \* Resit resmi akan dikeluarkan kepada setiap penderma
- \* Sila kunjungi laman web kami di : <http://www.pertubuhankemudi.com/>
- \* Tel: 019-2297053, 019-6687867

Terima Kasih di Atas Sokongan Anda

